

# 江陵縣志

第十一冊 人物

卷之三十三 人 隱逸

卷之三十四 僑寓

卷之三十五 藝術

卷之三十六 列女

江陵縣志卷之三十三

人物七

隱逸

春秋

屠羊說楚昭王失國說走而從於昭王王謂司馬子綦曰屠羊說居處卑賤而陳義甚高爲我延之以三旌之位說曰夫三旌之位吾知其貴於屠羊之肆也萬鍾之祿吾知其富於屠羊之利也然豈可以貪爵祿而使吾君有妄施之名乎說不敢當願復反吾屠

江陵縣志

卷之三十三

人物

隱逸

一

羊之肆遂不受梁元帝出江陵縣還詩朝出屠羊縣夕返仲宣樓卽指此也

於陵子荆志載爲荆州初楚王聞於陵子賢欲以爲相使人持金往聘入語其妻不可於是出謝使者而辭之相與逃去

晉

鄧璨少高潔與劉璘之劉尙公友善不應州郡之辟荆州刺史桓冲辟璨爲別駕應之璘之不悅璨曰足下謂有志於隱而未知隱之道夫隱在我而不在物

是以朝市亦可隱也

南朝宋

宗炳字少文其先南陽涅陽人祖承宜都太守卒於官子孫因家江陵父繇之湘鄉令母師氏卒炳居喪過禮爲鄉閭所稱刺史殷仲堪桓元並辟主簿舉秀才不就高祖誅劉毅領荊州辟爲主簿不起問其故答曰棲邱飲谷三十餘年高祖善其對妙善琴書精於言理每游山水往輒忘歸下入廬山就釋慧遠考尋文義兄臧爲南平太守逼與俱還乃於江陵三湖

江陵縣志

卷之三十三

人物

隱逸

二

立宅閑居無事高祖召爲太尉參軍不就二兄蚤卒孤累甚多家貧無以相贍頗營稼穡高祖數致餼賚其後子弟從祿乃悉不受高祖開府辟太尉掾不起宋受禪徵爲太子舍人元嘉初又徵通直郎東宮建徵爲太子中舍人庶子並不應衡陽王義季在荊州親至炳室與之歡讌命爲咨議參軍不起好山水愛遠游西陟荆巫南登衡岳因而結宇衡山欲懷尚平之志有疾還江陵歎曰老疾俱至名山恐難遍覩惟當澄懷觀道臥以游之凡所游履皆圖之於室謂人

曰撫琴動操欲令衆山皆響炳外弟師覺授亦有素業以琴書自娛臨川王義慶辟爲祭酒主簿並不就炳卒年六十九子朔南譙王義宣車騎參軍次綺江夏王義恭司空主簿次昭郢州治中次說正員郎

**宗彧**之字叔粲炳從父弟蚤孤事兄恭謹家貧好學雖文義不逮炳而真澹過之州辟主簿舉秀才不就公私餼遺一無所受高祖受禪徵著作佐郎不至元嘉初大使陸子真觀采風俗三詣彧之每辭疾不見也告人曰我布衣草萊之人少長壟畝何枉軒冕之

江陵縣志

卷之三十三

人物

隱逸

三

客子真還表薦之徵員外散騎又不就卒年五十

**荆南耕叟**衡陽王義季爲荊州刺史嘗春月出獵有老父被苫而耕左右斥之老父曰盤於遊畋古人所戒今陽和布氣一日不耕民失其時奈何以從禽之樂而驅斥老農也義季止馬曰賢者也命賜之食辭曰大王不奪農時則境內之民皆飽大王之食老夫何敢獨受大王之賜乎義季問其姓名不告而退

齊

**劉虬**字靈預其先南陽涅陽人晉豫州刺史喬七世

孫徙居江陵虯少而抗節好學須得祿便隱宋太始中仕至晉平王驃騎記室當陽令罷官歸家靜處斷穀餌朮及胡麻齊永明三年刺史廬陵王子卿表虯及同郡宗測宗尙之庾易劉昭五人請加蒲車束帛之命詔徵爲通直郎不就竟陵王致書通意虯答曰虯四節臥病三時營灌暢餘陰於山澤託暮情於魚鳥寧非唐虞重恩周召宏施虯精信釋氏衣麤布禮佛長齋注法華經自講佛義建武二年冬虯病正晝有白雲徘徊檐戶之內又有香氣及磬聲其日卒年

江陵縣志

卷之三十三

人物

隱逸

四

五十八劉昭與虯同宗州辟祭酒從事不就隱居山中

〔庾易〕字幼簡新野人徙居江陵祖玫巴郡太守父道驥安西參軍易志性恬隱不交外物建元元年刺史豫章王辟爲驃騎參軍不就臨川王映臨州獨重易上表薦之餉麥百斛易謂使人曰民樵採麋鹿之伍終歲鮮毛之衣馳騁日月之車得保自耕之祿於夫王之恩亦已深矣辭不受永明三年詔徵太子舍人建武二年詔復徵爲司徒主簿俱不就卒

宗測字敬微宋徵士炳孫也世居江陵測少靜退不樂人閒驃騎豫章王徵爲參軍測答府召云何爲謬傷海鳥橫斤山木母喪身負土植松柏豫章王復遣書請之答曰性同鱗羽愛止山壑眷戀松筠輕迷人路縱宕巖流有若狂者忽不知老至而今鬢已白豈容課虛責有限魚鳥慕哉欲遊名山乃寫祖炳所畫尙平圖於壁上長子爲南郡丞付以家事齋老子莊子二書自隨子孫拜辭悲泣測長嘯不視遂往廬山止祖炳舊宅魚復侯子響爲江州厚遣贈遺測曰少

江陵縣志

卷之三十三

人物

隱逸

五

有狂疾尋山採藥遠來至此量腹而進松朮度形而衣薜蘿淡然已足豈容當此橫施子響命駕造之測避不見頃之送弟喪還西仍畱舊宅永業寺絕賓友惟與同志庾易劉虯宗人尙之等往來講說建武二年徵爲司徒主簿不就卒測善畫自圖阮籍遇蘇門於行障上坐臥對之又畫永業佛影臺皆爲妙作頗好音律善易老續皇甫謐高士傳三卷又嘗遊衡山七嶺著衡山廬山記尙之字敬文亦好山澤徵辟並不就以壽終

梁

庾詵字彥賓其先新野人八世祖滔封遂昌侯因家於南郡江陵詵幼聰警篤學經史百家無不該綜緯候書射棊算機巧並一時之絕而性託夷簡特愛林泉十畝之宅山池居半蔬食敝衣不治產業嘗乘舟從田舍還載米一百五十石有人寄載三十石既至宅寄載者曰君三十斛我百五十斛詵默然不言恣其取足鄰人有被誣爲盜者見劾妄欵詵矜之乃以書質錢二萬令門生詐爲其親代之酬償鄰人獲免

江陵縣志

卷之三十三

人物

隱逸

六

謝詵詵曰吾矜天下無辜豈期謝也其行多如此類高祖少與詵善雅推重之及起義署爲平西府記室參軍不屈後湘東王臨荊州版爲鎮西府記室參軍不就普通中詔授黃門侍郎稱疾不赴晚年尤遵釋教宅內立道場環繞禮懺六時不輟誦法華經每日一遍後夜中忽見一道人自稱願公容止甚異呼詵爲上行先生授香而去中大通四年因晝寢忽驚覺曰願公復來不可久住顏色不變言終而卒時年七十八舉室咸聞空中唱上行先生已生彌陀淨域矣

高祖詔曰庾詵荆山珠玉江陵杞梓孤芳素履奄隨  
運往宜諡貞節處士詵所撰帝歷二十卷易林二十  
卷續伍端休江陵記一卷晉朝雜事五卷總抄八十  
卷行於世子曼倩字世華亦早有令譽元帝在荊州  
辟爲主簿遷中錄事每出常目送之謂劉之遴曰荆  
南信多君子雖美歸田鳳清屬桓階賞德標奇未過  
此子後轉諮議參軍所著喪服儀文字體例莊老義  
疏注算經及七曜歷術并所製文章凡九十五卷

**庾承先**字子通潁川鄢陵人少沉靜有志操是非不

江陵縣志

卷之三十三

人物

隱逸

七

涉於言喜慍不形於色人莫能窺也弱歲受學於南  
陽劉虬強記敏識出於羣輩元經釋典靡不該悉九  
流七略咸所精練郡辟功曹不就乃與道士王僧鎮  
同遊衡岳晚以弟疾還鄉里遂居於土臺山鄢陽忠  
烈王在州欽其風味要與遊處又講老子遠近名僧  
咸來赴集論難蜂起異端競至承先徐相酬答皆得  
所未聞忠烈王尤加欽重徵州主簿湘東王聞之亦  
版爲法曹參軍並不赴中太通三年廬山劉慧斐至  
荊州承先與之有舊往從之荆陝學徒因請承先講



老子湘東王親命駕臨聽論議終日深相賞接畱連  
月餘日乃還山王親祖道并贈篇什隱者美之卒時  
年六十

范縝南郡人少孤貧學於劉瓛而卓越不羣芒屨布  
衣危言高論但盛稱無佛歸於自然沈休文難之

唐

楚江漁者不知姓名每得魚換酒輒自放歌不言姓  
氏江陵守瞿鉉問曰君隱者之漁耶對曰姜子牙嚴  
子陵世皆以爲隱者殊不知釣其名耳

江陵縣志

卷之三十三

人物

隱逸

八

宋

高懌字文悅荆南高季興四世孫幼孤養於外家十  
三歲能屬文通經史百家之書聞种放隱終南山乃  
築室豹林谷從放受業放奇之不敢處以弟子行與  
同時張堯許勃號南山三友會詔舉沈淪草澤知長  
安寇準聞其名薦之辭不起景祐中錄國初侯王後  
懌推其弟忻得官及范雍建京兆府學召懌授諸生  
席閒常數十百人杜衍嘗請賜處士號乃命為大理  
評事懌固辭仁宗嘉其守號安素處士詔州縣歲時

禮遇之給良田五百畝文彥博表其經術該通有高世之行可以勵風俗詔賜第一區嘉祐中就除光祿寺丞復固辭夢道士持素書聘為白鹿洞主卒

李堯言熙寧中除侍御史未七十上印綬其兄立言亦自澧州納政時又有李竦引疾同時里居鄉人語曰元豐濟濟稱多士南郡堂堂有三李一瓢樂在其中矣

孫諭元祐末挂冠與同時退休者吳師道梁宏朱光復賈亨彥張景達布衣唐愈為七老會五日一集時

江陵縣志

卷之三十三

人物

隱逸

九

人榮之

高荷字子勉詩宗少陵黃魯直極愛賞之嘗和其言云張侯海內長句晁子廟中雅歌高郎少加筆力我知三傑同科又與李端叔札云比得荊州一詩人高荷極有筆力使之陵厲中州不減晁張但公不識耳

明

劉世英洪武初以文學名於世潛德弗耀不干仕進

斬相居江陵之草市家貧未娶躬爨事親課童蒙數十日晡卽下簾讀書友人嘉之為卜室相始獲娶不

數年妻亡遂不復娶復躬爨以養親親歿因潛避於家不與俗往來時人每勸之仕不應年七十餘卒

孫誦字九峻別號長嘯道人棕笠蒲團往來山水間嘗製康節像自隨又云安樂子

張教字孝甫中丞公之子性敦樸雖席華腴居身若韋素學邃六經手錄春秋五傳衍文待詔楷書至今墨瀋猶新門無雜賓惟與雷實先鄧石田崔易之歐陽孟韜諸公文酒往來嘗同遊參嶽諸名勝有詠有記子孫世循家法里中稱為忠厚傳家蓋自公肇造

江陵縣志

卷之三十三

人物

隱逸

十

也子中炳崇禎庚午經魁孫之增

國朝康熙舉人有傳

王文南字季豹號報菴崇禎庚午元日榜其門曰解元及秋闈果領鄉薦第一明亡隱居龍湖屢徵不就與同里朱儼鏞伯靡王泰徵蘆人景陵譚元亮擬陶荆門方鱗時劍子郵筒唱和以名節相淬厲論者謂不愧逸民云所著有居俟堂文集小雅堂詩集卒年八十七

曹國榘字叔方太僕大咸之第七子也少不羈己自

放浪於江湖閒明末遭寇亂與兄國樸弟國楓共相  
唱和後益歷落遠遊足跡半天下歸老三湖著有詩  
文集行世

〔劉亨〕字康侯禮部尙書楚先冢孫閩人洪承疇爲楚  
先丙辰所得士

國初洪爲元勳領兵至滇黔凡委任文武官吏受事而  
後入告吏兵二部無齟齬者道經江陵酌酒楚先墓  
且辟亨參謀幕府將官之亨稱疾不從室懸倪元鎮  
畫以見志著有雲林堂集

江陵縣志

卷之三十三

人物

隱逸

十一

國朝

〔王釀〕字醉翁亦字非聞號山翁性曠達不樂仕進嘗  
遊齊魯吳越閒吟咏自適觀察祖仁淵顏其廬曰雲  
中白鶴工石書胡墨顛師之名噪一時其著作甚富  
尤工於詩邑孝廉鄧以瑑集而序之志其墓云蒿里  
精魂憑聚斂可能埋骨不埋詩